

**POLUGODIŠNJI IZVJEŠTAJ O PROAKTIVNOM DJELOVANJU
VRHOVNOG SUDA FBiH U 2026. GODINI**

JANUAR/SIJEČANJ – JUNI/LIPANJ 2026. GODINE							
Aktivnost:	Web:	Mediji:		Republikacije:		Elektron ski mediji:	Portali/printa ni mediji:
		Poslano Saopćenje:	Nije poslano,dr ugi izvori	Na osnovu saopćenja:	Na osnovu drugih izvora:		
Saopćenja po predmetim a:	28	7	6	116	51	27	139
Opća saopćenja:	22	5	0	30	0	7	24
Ukupno:	50	12	6	197		34	163

Za prvih šest mjeseci 2026. godine Vrhovni sud Federacije Bosne i Hercegovine (FBiH) objavio je na web. stranici: vsud – fbih. pravosudje.ba ukupno 50 saopćenja, od kojih je 28 vezano za rad u vezi predmeta, dok su ostali informacije o općem radu ove pravosudne institucije – sastanci, edukacije, izrada pravilnika za postupanje u predmetu gdje su svjedocima dodijeljene zaštitne mjere u krivičnim postupcima i slično. Također, na web. stranici je objavljeno 20 rasporeda sjednica i suđenja, kao sedmične najave. Zbog velikog interesovanja javnosti u predmetima koji se vode pred Posebnim odjelom za korupciju, kriminal i međukantonalni kriminal Vrhovnog suda FBiH (Posebni odjel), a kako bi se osiguralo pravilno, transparentno i efikasno postupanje u vezi sa medijskim praćenjem ovih postupaka, predsjednica Suda je izdala obavijest koja je upućena svim medijima o načinima postupanja, fotografiranju i snimanju.

Ovim izvještajem nisu obuhvaćena postupanja u skladu sa Zakonom o slobodi pristupa informacijama, niti informacije o radu Vrhovnog suda FBiH a koje se odnose na druge načine izvještavanja a koje nisu obuhvaćene saopćenjima. Izvještaj se odnosi na proaktivno djelovanje Vrhovnog suda FBiH, a što je jedan od načina povećanja transparentnosti ove pravosudne institucije.

Od 50 saopćenja za prvih šest mjeseci na medijske adrese je poslano 12 saopćenja. Ukupno je 197 medijskih republikacija koje se odnose na rad Vrhovnog suda FBiH, kako o postupanju u predmetima, tako i o općem radu Suda.

U 197 medijskih republikacija su ubrojane i 51 koje su nastala na osnovu drugih izvora - Federalno tužilaštvo, Kantonalni sud Tuzla i slično, a koje su bile predmet saopćenja Vrhovnog suda FBiH ali nisu poslane medijima ili su urađene kasnije u odnosu na pomenute izvore ili su bile potpunije informacije sa detaljima krivičnog djela, punim imenom i prezimenom i slično. Linkovi svih medijskih republikacija se nalaze na web. stranici u rubrici Vrhovni sud u medijima.

Od urađenih 50 saopćenja Vrhovnog suda FBiH ukupno 28 ih je u vezi rada na predmetima (otvaranje glavnog pretresa, predraspravno ročište, ukidanje pritvora, izricanja presude i slično).

Saopćenja koja su poslana medijima u vezi rada na predmetima:

- Odluka o postupanju u predmetu Debevec i ostali (17 medija prenijelo)
- Početak suđenja u krivičnom predmetu Debevec i ostali (21 medij)
- Rješenje o ukidanju pritvora u predmetu Kastrati (12 medija)
- Odbijen prijedlog za određivanje mjera zabrane u predmetu Debevec i drugi (16 medija)
- Ukinut pritvor Tomislavu Zubaku (25 medija)
- Izrečena presuda u krivičnom predmetu protiv Jasminke Knežević (23 medija, ali prenijete informacije i iz drugih izvora).
- Predraspravno ročište u predmetu Tulumović i drugi (dva medija).

U vezi općeg rada Vrhovnog suda FBiH urađena su 22 saopćenja (općenito o radu, posjete, sastanci, edukacije i sl.), od kojih je medijima poslano:

- Predsjednica Dugonjić o radu Vrhovnog suda FBiH (pet medija prenijelo)
- Vrhovni sud FBiH izradio Pravilnik o postupanju prema zaštićenim svjedocima koji su dobili mjere zaštite u krivičnim postupcima (15 medija)
- Sastanak predsjednice Vrhovnog suda s predsjednicima kantonalnih sudova (dva medija)
- Sudije i uposlenici Vrhovnog suda FBiH zajedno s pripadnicima Sudske policije FBiH, uključuju se u akciju pošumljavanja „Boranka“ (četiri medija)
- Sudije na savjetovanju iz krivično pravne oblasti u Neumu (četiri medija).

Saopćenja koja nisu poslana medijima a koja su mediji prenijeli iz drugih izvora su:

- Potvrđivanje optužnice u predmetu Plava medica group (četiri medija)
- Određivanje pritvora Rasimu Dostoviću (devet medija)

- Rješenje o ponovnom odlučivanju o pritvoru protiv M.B. i Z.R.H. upućeno Kantonalnom sudu u Tuzli (dva medija)
- Vrhovni sud FBiH potvrdio jedinstvenu kaznu dugotrajnog zatvora u trajanju od 45 godina (18 medija)
- Vrhovni sud FBiH donio pravosnažnu presudu u predmetu protiv optuženih Muslimovića i drugi (četiri medija)
- Vrhovni sud FBiH potvrdio presudu na kaznu dugotrajnog zatvora u trajanju od 43 godine (14 medija).

Medijske republikacije

Tijekom prvih šest mjeseci ove godine mediji su prenijeli rad Vrhovnog suda FBiH ukupno 197 puta a u vezi kojih su objavljena saopćenja na web. stranici. Najveći broj republikacija je na portalima, uključujući i one koji imaju printana izdanja – ukupno 163 i među njima su najčitaniji portali na području Federacije Bosne i Hercegovine – Klix.ba, Fena.ba, Avaz.ba, Oslobođenje.ba, Radio Sarajevo, Bljesak, Istraga.ba, kao i organizacije BIRN (Balkanska istraživačka mreža u Bosni i Hercegovini) – Detektor.ba, Centar za istraživačko novinarstvo (CIN) i tako dalje.

Od 197 republikacija 34 su načinjene u elektronskim medijima (TV, radio), odnosno na medijskim portalima koji imaju elektronsko izdanje. Najčešći elektronski medij koji prenosi rad Vrhovnog suda FBiH su FTV i N1.

U prvih šest mjeseci najveći broj republikacija je imalo saopćenje o ukidanju pritvora Tomislavu Zubaku zbog protoka zakonskog roka – ukupno 25 medija (Klix.ba, StartBiH, Radio Sarajevo, Detektor, Fena, Bljesak, Oslobođenje, Istina media, Avaz, N1, Fokus, Vijesti.ba, Raport, Scena, N24, Večernji.ba, Etto, Infokus, Hercegovina info, Pogledi, Grad Busovača, Stijena info, Viteški, Face i Hrvatski medijski servis).

Veći interes javnosti, odnosno broj republikacija je bio i za predmet Ranko Debevec i ostali (preuzimanje predmeta, početak suđenja, ukidanje mjera zabrane po prijedlogu tužitelja, kao i za prvostupanjsku presudu Jasminki Knežević. Republikacije u vezi ova dva predmeta promatrano pojedinačno su bile u više od 15 medija.

O općem radu Vrhovnog suda FBiH najveći broj republikacija je imala informacija u vezi Pravilnika o zaštiti svjedoka kojima su dodijeljene zaštitne mjere u krivičnim predmetima. Saopćenje u vezi izrade pravilnika je preneseno u 15 medija.

Od januara /siječnja do kraja juna/lipnja

Promatrano po mjesecima najveći broj saopćenja je Vrhovni sud FBiH izradio u martu/ožujku ove godine – ukupno 16. Od tih 16 saopćenja dva su poslana na medijske adrese od čega je nastalo 36 republikacija, ali još je na osnovu izvora Federalnog tužilaštva dodano devet republikacija, što znači da je u martu/ožujku ukupno 45 izvještaja o radu Vrhovnog suda FBiH bilo u medijima.

U maju/svibnju je urađeno 11 saopćenja od kojih su dva poslana na medijske adrese i na osnovu njih je nastalo 29 medijskih izvještaja. S tim da su mediji na osnovu drugih izvora (Kantonalni sud u Tuzli, Federalno tužilaštvo ili izvještavanja iz sudnica ili drugih izvora) prenijeli informacije iz tri saopćenja koja su objavljena na web. stranici Suda, zbog čega je ukupno 65 medijskih izvještaja o radu Vrhovnog suda u maju/svibnju.

U januaru/siječnju nije ostvarena ni jedan medijski izvještaj na osnovu dva saopćenja Vrhovnog suda FBiH. Mediji su iz drugih izvora – Federalno tužilaštvo načinili četiri medijska izvještaja o radu Vrhovnog suda FBiH.

Dijagramski prikaz po mjesecima:

